

# CUSSEGL GROND

Sessiun da favrer 2023

## Dumonda Cortesi concernent intervenziuns da la APUC e violenza a chasa tras personas estras

Ils motivs per violenza a chasa èn multifars. Violenza a chasa datti en tut las classas socialas ed en tut ils circuls da la populaziun. Ina cumpart surproportiunala da cas exista dentant tar personas cun biografias da migraziun (funtauna: Departament federal da l'intern DFI, sectur Violenza, zercladur 2020). Ultra da quai crescha la populaziun estra dapi onns rasantamain en Svizra.

Sut quest aspect vulan las sutsegnadras ed ils sutsegnaders che la Regenza respundia las suandantas dumondas che concernan il chantun Grischun:

1. Quant auta è la cumpart da naschientschas d'uffants da geniturs esters, cumpareglià cun la rata da tut las naschientschas? Tge naziunalitads èn represchentadas qua il pli fitg?
2. Quant auta è la cumpart da personas estras (m/f) tar ils cas da la APUC?
3. Tge geners d'intervenziuns da la APUC vegnan avant il pli savens tar personas estras (m/f)?
4. Tge naziunalitads èn statisticamain surrepreschentadas tar intervenziuns da la APUC?
5. Quant auts èn ils custs che vegnan chaschunads tras intervenziuns da la APUC tar famiglias estras, e co sa preschentan quests custs en cumparegliaziun cun famiglias svizras?
6. Quant auta è la cumpart da personas estras tar delicts da violenza da giuvenils? Datti regiuns, nua che questa cumpart divergescha fermamain da la media e – sche gea – co sa laschan declerar questas divergenzas?
7. Tge naziunalitads èn represchentadas il pli fitg tar delicts da violenza da giuvenils?
8. Co è la relaziun tranter personas estras (m/f) e personas svizras (m/f) tar delinquentas e delinquents giuvenils arrestads?

Cuira, ils 15 da favrer 2023

**Cortesi**, Metzger, Weber, Candrian, Casutt, Della Cà, Dürler, Favre Accola, Gort, Grass, Heim, Hug, Krättli, Menghini-Inauen, Morf, Roffler, Salis, Sgier, Städler